



KOMUNIKADU IMPRENSA

HABADA Husu Transparénsia no Salvaguarda Kualidade iha Rekrutamentu Ajente PNTL tinan 2025

Data: 12 Agostu 2025

HABADA hanesan Organizasaun Siedade Sivil ne'ebe nia misaun halo monitorizasaun ba Governansaun Polisia no Seguransa Umanu iha Timor-Leste. Ohin HABADA fó sai ami nia avaliasaun kona-ba prosesu rekrutamentu Ajente Polisia Nasional Timor-Leste (PNTL) tinan 2025, ne'ebe regula hosi Diploma Ministerial N.º 17/2025 lora 25 fulan-Juñu, representa faze ida ne'ebe sensível liu no ho karga política iha siklu renovasaun rekursu umanu instituisaun nian. Kalendáriu rekrutamentu nian—ho preparasaun hosi lora 5 to'o 29 fulan Agostu tinan 2025 no submisaun dokumentu entre lora 12 fulan Agostu to'o lora 9 fulan Setembru tinan 2025.

Prosesu rekrutamentu Ajente PNTL ba tinan 2025, ne'ebe regula hosi Diploma Ministerial N.º 17/2025, introdus sistema kuota ne'ebe determina:

- 20% ba PNTL nia oan sira;
- 20% ba veteranu nia oan sira;
- 20% ba feto sira, no
- 40% ba públiku en-jeral.

Enkuanu dezeńha atu promove diversidade no rekoñesimentu, modelu ne'e hamosu preokupasaun públiku nian kona-ba justisa, nepotizmu, no diskriminasaun—liuliu tanba kuota sira bazeia ba família, idade 18-23 no restrisaun sira estadu sivil nian, no métodu alokasaun sekuensial sira.

Ho ida ne'e, risku xave sira ne'ebe organizasaun HABADA identifika, inklui:

- Estragu konfiansa públiku nian hosi persesaun sira kona-ba "polisia família nian".
- Dezafiu legal sira ba kritériu restritivu sira.
- Posível diminuisaun iha kualidade kandidatu nian bainhira aplikante sira ho pontuasaun aas liu esklui tuir sekuénsia kuota nian.
- Vulnerabilidade ba irregularidade iha dokumentasaun no verifikasaun.

Maske nune'e HABADA mós identifika oportunidade sira hanesan kuota espesial ba fetu hodi promove di'ak liu-tan igualdade jéneru, fó onra ba veteranu sira, no hasa'e transparénsia—bainhira prosesu sira aplika ho forma efetivu.

Nuene'e HABADA fó rekomendasaun prioridade sira tuir mai ne'e:

- Ministériu Interior no Komandu PNTL klarifika ba públiku kona-ba objetivu kuota nian, kritériu méritu nian liuhosi deklarasaun ofisial sira.
- Komisaun Rekrutamentu públika dadus rekrutamentu agregadu iha kada etapa.
- Ministériu Interior nomeia observador independente sira hanesan PDHJ no sociedade sivil sira atu monitoriza no fó sai kona-ba prosesu rekrutamentu nian.
- Ministériu Interior no Komandu PNTL halo reforma kona-ba alokasaun kuota hodi asegura proporsionalidade no limite sira pontuasaun mínimu.
- Ministériu Interior no Komandu PNTL halo revizaun ba restrisaun demográfika sira ba justisa no inkluzividade.

Ikus liu, HABADA salienta katak rekrutamentu PNTL 2025 hanesan oportunidade renovasaun pesoal no teste konfiansa públiku. Ho komunikasaun transparente, ajustamentu tékniku, no supervizaun ne'ebe di'ak, prosesu ida-ne'e bele muda hosi polémika ba modelu governasaun ida ne'ebe responsável.

Informasaun kle'an liu-tan halo favor kontaktu:

Abel Amaral

Diretor Ezekutivu

Mobile: +670 7745 4324

Email: abelamaral75@gmail.com

Website: www.habada.org